



অবিলম্বে প্রকাশের উদ্দেশ্যে: 3/15/2023

গভর্নর ক্যাথি হোকল

ইথাকায় প্রাপ্তবয়স্কদের ব্যবহারের জন্য গাঁজা বিক্রির ডিসপেনসারি চালু হওয়া সম্পর্কে
গভর্নর হোকলের ঘোষণা

*বিচার ব্যবস্থার দ্বারা ক্ষতিগ্রস্ত হওয়া লাইসেন্সপ্রাপ্তরা নিউ ইয়র্ক সিটির বাইরে গাঁজা
বিক্রির নতুন ডিসপেনসারি খুলতে যাচ্ছে*

*ইথাকার ডিসপেনসারি সোশ্যাল ইকুইটি ক্যানাবিস ইনভেস্টমেন্ট ফান্ডের সহায়তায়
পরিচালিত হবে*

গভর্নর ক্যাথি হোকল আজ ঘোষণা করেছেন যে আগে গাঁজার ওপর নিষেধাজ্ঞার কারণে
অপরাধী সাব্যস্ত হয়েছিলেন এমন একজন উদ্যোক্তার মালিকানায় আপস্টেট নিউ ইয়র্কে প্রথম
শর্তসাপেক্ষে পরিচালিত প্রাপ্তবয়স্কদের-ব্যবহারের জন্য খুচরা ডিসপেনসারির লাইসেন্সপ্রাপ্ত
ডিসপেনসারি ইথাকায় 119-121 ইস্ট স্টেট স্ট্রিটে 16 মার্চ বৃহস্পতিবার বিকাল 4:20 টা থেকে
জনসাধারণের কাছে বিক্রির জন্য উন্মুক্ত হবে।

"ইথাকায় উইলিয়াম জেন চালু হওয়ার মধ্য দিয়ে, আমরা আমাদের স্টেটে প্রাপ্তবয়স্কদের
ব্যবহারের গাঁজা শিল্প গড়ে তোলা অব্যাহত রেখেছি যা গাঁজার উপর নিষেধাজ্ঞা থাকাকালীন
সময়ে বৈষম্যমূলকভাবে গ্রেপ্তারের ফলে হওয়া ক্ষতিগুলো দূর করতে কাজ করছে," **বলেছেন
গভর্নর হোকল**। "নিউ ইয়র্ক স্টেট জুড়ে এটির মতো আরো ডিসপেনসারি চালু হওয়ার ফলে
ভোক্তারা এখন বৈধ, নিরাপদ পণ্য ক্রয় করার সুযোগ পাবেন এবং একইসাথে নিজেদের
কর্মিউনিটিগুলোতে পুনর্নিয়োগ করতে পারবেন।"

উইলিয়াম জেন নামে পরিচিত ইথাকার এই ডিসপেনসারির মালিক ও পরিচালক হচ্ছেন
উইলিয়াম ডারহাম। ব্রুকলিনের একজন স্থানীয় বাসিন্দা যিনি তার জীবনের বেশিরভাগ অংশ
বিংহ্যামটনে কাটিয়েছেন, মি. ডারহাম খুচরা বিক্রয়, নির্মাণকাজ, এবং সম্পত্তিতে বিনিয়োগ সহ
বিভিন্ন অভিজ্ঞতা নিয়ে নিউ ইয়র্কের গাঁজার বাজারে প্রবেশ করতে যাচ্ছেন।

নিউ ইয়র্ক সোশ্যাল ইকুইটি ক্যানাবিস ইনভেস্টমেন্ট ফান্ড (New York State Social Equity
Cannabis Investment Fund) এই কাজে সহায়তা করছে এবং এটি একটি "পপ-আপ" হিসেবে
চালু হবে। এই তহবিলের সহায়তায় অন্যান্য প্রাথমিক ডিসপেনসারিগুলির মতো, এটি
লাইসেন্সধারীদের স্বল্পমেয়াদী ভিত্তিতে ফাস্ট-ট্র্যাকের মাধ্যমে বিক্রয় করার এবং তাদের ব্যবসা

প্রতিষ্ঠানগুলোর জন্য মূলধন তৈরির সুযোগ প্রদান করবে, যার পরে সেগুলো চূড়ান্ত নির্মাণের জন্য বন্ধ হয়ে যাবে এবং তারপর দীর্ঘমেয়াদী ভিত্তিতে পুনরায় খুলতে পারবে।

পূর্ণকালীন সময়ের জন্য চালু হওয়ার আগে অপারেটরকে প্রাথমিক প্রশিক্ষণের সুযোগ দেওয়ার জন্য এই পপ-আপ কর্মসূচি তৈরি করা হয়েছে। এটি গাঁজা সাপ্লাই চেইনের সাথে জড়িত সব ব্যবসাকে লাভবান করবে, যার মধ্যে যাদের কাছে বিতরণের জন্য গাঁজা প্রস্তুত রয়েছে এমন কৃষক থেকে শুরু করে গাঁজা থেকে অন্য ধরনের পণ্য তৈরি করেছে এমন প্রস্তুতকারকরা অন্তর্ভুক্ত রয়েছে। যেসব ভোক্তা আস্থা রাখতে পারবেন এমন অপেক্ষাকৃত নিরাপদ পণ্য খুঁজছেন তাদেরকে পণ্য সরবরাহ করতে পরিবেশক ও খুচরা অপারেটররা সেখান থেকে কাজ করবে। এই ডিসপেনসারি খোলার বিষয়টি নিউ ইয়র্কের গাঁজার লাইসেন্স প্রদানের ক্ষেত্রে সুবিচারের লক্ষ্যসমূহকে এগিয়ে নিতে সাহায্য করবে, যা বিচার ব্যবস্থার কারণে ক্ষতিগ্রস্ত হওয়া ব্যক্তিদের লাইসেন্স প্রদানকে অগ্রাধিকার দেয়, যারা গাঁজা সেবনের কারণে দণ্ডিত হয়েছেন বা যাদের কোনো নিকটাত্মীয় গাঁজা সেবনের কারণে দণ্ডিত হয়েছেন।

DASNY-এর প্রেসিডেন্ট ও CEO ম্যাকড্যানিয়েল III বলেন, "এই গুরুত্বপূর্ণ মাইলফলক নিউ ইয়র্কজুড়ে কৃষাঙ্গ ও বাদামী বর্ণের কমিউনিটিতে আন্তঃপ্রজন্মের সম্পদ গড়ে তোলার জন্য নতুন ও অনন্য সুযোগ তৈরি করতে এবং গভীরভাবে গ্রথিত ঐতিহাসিক অবিচারের সমাধান করতে নিউ ইয়র্কের অঙ্গীকারাবদ্ধতা তুলে ধরে। আমি গভর্নর হোকলের নেতৃত্বের জন্য, এই কর্মসূচি আইনসভার তরফ থেকে যে অসাধারণ সমর্থন পেয়েছে তার জন্য, এবং তহবিলের নেতৃবৃন্দের কাজের জন্য কৃতজ্ঞ, যার সবগুলো এই গুরুত্বপূর্ণ উদ্যোগের ব্যাপারে আমাদের অগ্রগতি অব্যাহত রাখতে আমাদেরকে সাহায্য করেছে।"

উইলিয়াম জেনের মালিক উইলিয়াম ডারহাম বলেন, "আপস্টেট নিউ ইয়র্কে চালু হওয়া প্রথম গাঁজা ব্যবসাগুলোর মধ্যে একটির মালিক হতে পেরে আমি উচ্ছসিত। আমি কখনো ভাবতেও পারিনি যে আমি এধরনের একটি ব্যবসা শুরু করতে পারবো, এবং এখানে একটি ব্যবসা গড়ে তোলার এই সুযোগ তৈরি করে দেওয়ার জন্য আমি নিউ ইয়র্ক স্টেটের প্রতি কৃতজ্ঞ। এটি একটি সৌভাগ্য যা আমাকে ভবিষ্যতে অন্যদের জন্য সুযোগ তৈরি করতে সাহায্য করবে।"

স্টেট সিনেটর লিয়া ওয়েব বলেন, "ইথাকা সিটি এবং সাদার্ন টিয়ারের জন্য এটি একটি গর্বের দিন। কারণ আমরা আপস্টেট নিউ ইয়র্কে সোশ্যাল ইকুইটি ক্যানাবিস ইনভেস্টমেন্ট ফান্ডের সহায়তায় লাইসেন্সপ্রাপ্ত প্রথম ডিসপেনসারিকে স্বাগত জানাচ্ছি। আমি এটিকে সাদরে বরণ করে নিচ্ছি এবং এই গুরুত্বপূর্ণ মাইলফলকের জন্য উইলিয়াম ডারহামকে আন্তরিকভাবে অভিনন্দন জানাচ্ছি। গাঁজার উপর নিষেধাজ্ঞা আরোপ করার কারণে বৈষম্যমূলকভাবে ক্ষতিগ্রস্ত হওয়া কৃষি অংশীদার ও ব্যক্তিদের জন্য অর্থনৈতিক সুযোগ-সুবিধা প্রদান করার মাধ্যমে আমাদের ক্রমবর্ধমান গাঁজা শিল্প আমাদের কমিউনিটিগুলোতে বিনিয়োগ করার এই সময়টি আমাদের জন্য একটি উদ্দীপনাপূর্ণ মুহূর্ত।"

অ্যাসেম্বলি সদস্য অ্যানা কেলিস বলেন, "আগে গাঁজা ব্যবহারের কারণে অপরাধী সাব্যস্ত হয়েছিলেন এমন ব্যক্তিদের জন্য উদ্যোক্তা হয়ে উঠা ও ব্যবসায়িক উন্নয়নে সহায়তা করার জন্য গভর্নর হোকলের অঙ্গীকারাবদ্ধতা ও বিনিয়োগকে আমি সাধুবাদ জানাই। 'উইলিয়াম জেন'

ডিসপেনসারি অতীতের গাঁজা সংক্রান্ত পুলিশি পদক্ষেপ গ্রহণ ও কারারুদ্ধকরণের ভুল সংশোধনে সাহায্য করার ক্ষেত্রে এক ধাপ এগিয়ে যাওয়ার প্রতিনিধিত্ব করছে এবং একইসাথে গাঁজা উৎপাদনকারী স্থানীয় কৃষকদের জন্য একটি বাজার প্রদান করছে। স্থানীয় উৎপাদন ও বিক্রয় স্বচ্ছতা ও পণ্যের মান নিশ্চিত করতে সাহায্য করতে পারে, যা ওষুধ হিসেবে বা চিকিৎসাবিনোদনের উদ্দেশ্যে পণ্যটি ব্যবহার করার সিদ্ধান্ত নেওয়া প্রাপ্তবয়স্কদের জন্য এটিকে নিরাপদ রাখবে।"

টম্পকিনস কাউন্টি আইনসভার চেয়ারওয়ান শওনা এম. ব্ল্যাক বলেন, "টম্পকিনস কাউন্টি আমাদের প্রথম প্রাপ্তবয়স্কদের ব্যবহারের গাঁজা খুচরা বিক্রয়ের ডিসপেনসারি চালু হওয়ার ঘোষণার জন্য ধৈর্য ধরে অপেক্ষা করা আসছে। আমরা সমানভাবে উচ্ছসিত যে উইলিয়াম জেন সামাজিক ন্যায়বিচার উদ্যোগসমূহের প্রতি অঙ্গীকারাবদ্ধ রয়েছে এবং গাঁজা ব্যবহারকে অপরাধ সাব্যস্ত করার কারণে ঐতিহাসিকভাবে ক্ষতিগ্রস্ত হয়ে আসা ব্যক্তিদের ক্ষমতায়ন করছে।"

ইথাকার মেয়র লরা লুইস বলেন, "ইথাকা সিটিতে প্রথম লাইসেন্সপ্রাপ্ত ডিসপেনসারি চালুর জন্য আমাদের কমিউনিটির সঙ্গে কাজ করার জন্য ধন্যবাদ। আমরা সমতাপূর্ণ অর্থনৈতিক উন্নয়নের এই নতুন চালিকাশক্তির প্রথমদিকের গ্রহীতাদের মধ্যে থাকতে পেরে উচ্ছসিত। এছাড়া নিয়ন্ত্রিত গাঁজা শিল্পের প্রতি একটি অন্তর্ভুক্তিমূলক কর্মপ্রচেষ্টার প্রসারের জন্য এবং ভোক্তাদের নিরাপত্তা ও স্থানীয় ব্যবসা প্রতিষ্ঠানের মালিকদের জন্য সুযোগ-সুবিধা নিশ্চিত করতে নিউ ইয়র্ক স্টেটের অঙ্গীকারাবদ্ধতাকে আমরা সাধুবাদ জানাই।"

ক্যানাবিস কন্ট্রোল বোর্ডের (Cannabis Control Board) সভাপতি ট্রেমাইন রাইট বলেন, "গাঁজার বাজার নতুন এলাকায় সম্প্রসারিত হচ্ছে দেখে আমরা উচ্ছসিত। এসব দোকান আরো বেশি সংখ্যক নিউ ইয়র্কবাসীকে গাঁজার পণ্যগুলো ক্রয় করার একটি নিরাপদ, নির্ভরযোগ্য ও সুবিধাজনক উপায় প্রদান করবে এবং একইসাথে কর্মসংস্থান তৈরি করবে এবং এসব স্থানীয় অর্থনীতিকে সমৃদ্ধ করবে। আমাদের বাজার বড় হয়ে উঠতে থাকার এই সময়ে এসব দোকান চালু হওয়া নিউ ইয়র্কের জন্য একটি গুরুত্বপূর্ণ মাইলফলক নির্দেশ করে।"

অফিস অব ক্যানাবিস ম্যানেজমেন্ট (Office of Cannabis Management)-এর এক্সিকিউটিভ ডিরেক্টর ক্রিস অ্যালেক্সান্ডার বলেন, "স্টেটের মধ্যে আরো বেশি বৈধ গাঁজা বিক্রির দোকান চালু হওয়া নিউ ইয়র্কের গাঁজা শিল্পের ক্রমবর্ধমান বৈচিত্র্য উদযাপন করার একটি রোমাঞ্চকর সুযোগ। এই স্বরণীয় উপলক্ষ্যের অংশ হতে পেরে আমরা গর্বিত এবং নিউ ইয়র্কবাসীরা নিরাপদে গাঁজা পণ্যগুলো অ্যাক্সেস করতে পারবে এবং নিজেদের কমিউনিটিতে বিনিয়োগ করতে পারবে এমন জায়গার সংখ্যা বৃদ্ধি করার প্রত্যাশা রাখি।"

এই তহবিলের সাধারণ অংশীদার সোশ্যাল ইকুইটি ইমপ্যাক্ট ভেঞ্চার্স (Social Equity Impact Ventures)-এর প্রিন্সিপাল উইলিয়াম থম্পসন বলেন, "নিউ ইয়র্কের এধরনের প্রথম গাঁজা বিষয়ক সরকারি-বেসরকারি-অংশীদারিত্বটি (PPP) আপস্টেট ও ডাউনস্টেটের হাজার হাজার স্থানের মূল্যায়ন সম্পন্ন করা; প্রত্যেকে জমির মালিকের সঙ্গে সমঝোতায় পৌঁছানো, লিজ গ্রহণ করা; ডিজাইন অনুযায়ী নির্মাণ প্রক্রিয়ার দিকনির্দেশনা প্রদান করা এবং একইসাথে

ব্যবসা চালু হওয়ার পরে দোকানের অপারেটরদেরকে সহায়তা করার জন্য প্রশিক্ষণ ও কার্যপরিচালনা কর্মসূচি প্রতিষ্ঠা করার সুনির্দিষ্ট লক্ষ্য সামনে রেখে গঠন করা হয়েছিল। এটি একটি বৃহৎ ও বৈচিত্রপূর্ণ পোর্টফোলিও, কিন্তু বাজারের সফলতার জন্য লাইসেন্সধারীদের সেটআপের কাজে সাহায্য করার জন্য এসব পদক্ষেপ গ্রহণ করা অপরিহার্য।"

ইথাকার স্থানটি গভর্নর হোকল এবং নিউ ইয়র্ক স্টেটের আইনসভা কর্তৃক অনুমোদিত কর্মসূচির অংশ এবং CAURD লাইসেন্সপ্রাপ্তদের দ্বারা গাঁজা বিক্রির ডিসপেনসারিগুলোর অধিগ্রহণ, নকশা প্রণয়ন, নির্মাণকাজ, ও লোকেশনের আউটফিটিংয়ে সহায়তা করার জন্য এই তহবিল পৃষ্ঠপোষকতা করছে। নিউ ইয়র্ক স্টেটের ডরমিটরি অথোরিটির (Dormitory Authority of the State of New York, DASNY) সাবসিডিয়ারি সোশ্যাল ইকুইটি সার্ভিসিং কর্পোরেশন (Social Equity Servicing Corporation, SESC)-এর সঙ্গে কাজ করা এই তহবিল হচ্ছে নিউ ইয়র্কের নতুন তৈরি হওয়া প্রাপ্তবয়স্কদের ব্যবহারের গাঁজা শিল্পে সামাজিক সমতার উদ্যোগীদের সফল হওয়ার মতো অবস্থানে নিয়ে যাওয়ার জন্য গঠন করা একটি সরকারি-বেসরকারি সীমাবদ্ধ অংশীদারিত্ব। সোশ্যাল ইকুইটি ইমপ্যাক্ট ভেঞ্চার্স-এর ব্যবস্থাপনাধীন এই তহবিল বিচার ব্যবস্থার সঙ্গে সম্পৃক্ত CAURD লাইসেন্সধারী ব্যক্তিদেরকে প্রাপ্তবয়স্কদের ব্যবহারের গাঁজা বিক্রির খুচরা ডিসপেনসারি প্রতিষ্ঠা করার খরচ বহন করতে সাহায্য করবে। লাইসেন্সিং ফি এবং প্রাপ্তবয়স্কদের ব্যবহারের গাঁজা শিল্প থেকে প্রাপ্ত রাজস্ব থেকে 50 মিলিয়ন ডলার পর্যন্ত এবং বেসরকারি খাত থেকে উত্তোলন করা 150 মিলিয়ন ডলার পর্যন্ত অর্থায়নের মাধ্যমে এটিকে সহায়তা করা হবে।

CAURD লাইসেন্স নিউ ইয়র্ক স্টেটের সিডিং অপরচুনিটি ইনিশিয়েটিভের একটি কেন্দ্রীয় স্তম্ভ। এই উদ্যোগের মাধ্যমে, নিউ ইয়র্কের প্রথম বৈধ প্রাপ্তবয়স্কদের ব্যবহারের খুচরা ডিসপেনসারিগুলো গাঁজা নিষিদ্ধকরণ আইন প্রয়োগের ফলে সবচেয়ে বেশি ক্ষতিগ্রস্ত হওয়া ব্যক্তিদের দ্বারা অথবা সাবেক কারারুদ্ধ ব্যক্তিদেরকে সহায়তা করার জন্য সেবা প্রদানকারী অলাভজনক সংস্থাগুলোর দ্বারা পরিচালিত হবে। এসব ডিসপেনসারি নিউ ইয়র্ক স্টেট জুড়ে কৃষকদের উৎপাদিত গাঁজা থেকে তৈরি পণ্যগুলো প্রাপ্তবয়স্কদের ব্যবহারের জন্য বৈধভাবে বিক্রি করছে।

উপযুক্ত আবেদনকারীরা হলেন তারা যারা হয় নিজে গাঁজা রাখার জন্য দোষী সাব্যস্ত হয়েছেন, অথবা দোষী সাব্যস্ত হওয়া কোনো ব্যক্তির পরিবারের ঘনিষ্ঠ সদস্য যিনি কমপক্ষে দুই বছর ধরে নেট মুনাফা অর্জন করেছে এমন কোনো ব্যবসার বর্তমান বা সাবেক মালিক। অলাভজনক সংস্থাগুলো CAURD লাইসেন্স পাওয়ার জন্য উপযুক্ত ছিল যদি সেগুলোর বর্তমান বা সাবেক কারারুদ্ধ ব্যক্তিদের সেবা প্রদান করার ইতিহাস থাকে, যেমন সেসব ব্যক্তিদের জন্য কারিগরি শিক্ষা অর্জনের সুযোগ-সুবিধা তৈরি করা; বিচার ব্যবস্থার সঙ্গে সম্পৃক্ত কমপক্ষে একজন বোর্ড সদস্য থাকে; কমপক্ষে পাঁচজন পূর্ণকালীন কর্মচারী থাকে; এবং কমপক্ষে দুই বছর ধরে মুনাফা বা নেট সম্পদ অর্জন করেছে এমন কোনো সামাজিক ব্যবসা প্রতিষ্ঠান পরিচালনা করে থাকে।

###

আরো সংবাদ পাওয়া যাবে এখানে www.governor.ny.gov-এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418